

Pendedahan Terhadap Seni Penulisan

oleh: Norfadila Binti Zuha

KHAMIS, 20 MAC – Universiti Malaysia Sabah (UMS) tampil dengan pendekatan baharu melalui usaha mendekatkan pelajarannya dengan budaya ilmu. Program Budaya Ilmu 2014 yang telah dianjurkan oleh Perpustakaan UMS baru-baru ini jelas menampakkan keprihatinan pihak UMS dalam melahirkan pelajar-pelajar yang berilmu.

Program Bicara Buku anjuran perpustakaan UMS ini telah dirasmikan oleh Dr. Ramzah Dambul, pensyarah di Sekolah Sains Sosial (SSS). Program ini merupakan salah satu slot ceramah yang dimuatkan dalam susunan aktiviti Program Budaya Ilmu 2014 yang berlangsung selama tiga hari.

“Program ini diadakan untuk memberi pendedahan lanjut

kepada pelajar mengenai teknik dalam penulisan sesebuah buku serta perkongsian pengalaman daripada penceramah jemputan pada hari tersebut,” kata Dr. Ramzah Dambul.

“Ilmu perlulah seiring dengan disiplin barulah matlamat akan tercapai dan acuan yang elok sudah pasti akan membuahkan hasil yang baik,” katanya ketika berkongsi pengalaman pada majlis tersebut.

Beliau tidak pernah menyangka hasil daripada minat menulis yang hanya untuk memenuhi masa lapang semasa menuntut di universiti dahulu membuahkan impak yang besar kepada dirinya hari ini apabila beliau telah berjaya menerbitkan buku hasil tulisannya sendiri.

Beliau berharap dengan adanya penganjuran program sebegini pada masa akan datang menjadikan pelajar lebih matang dan cenderung untuk mencorakkan halatuju setelah menamatkan pengajian mereka di universiti nanti.



Dr. Ramzah Dambul ketika berucap dalam Program Bicara Buku di Perpustakaan UMS